

დამატებითი ტექნიკური მოთხოვნები

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე

- სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- სამუშაოს შესრულება უნდა განხორციელდეს არსებული სამშენებლო ნორმებისა და სტანდარტების მიხედვით.
- სამუშაოების შესრულების პროცესში გამოყენებული ყველა მასალა უნდა შეესაბამებოდეს ამ სფეროში აღიარებულ სტანდარტებს.
- საგარანტიო პერიოდის განმავლობაში, ექსპლუატაციის პირობების დაცვის შემთხვევაში, დეფექტის ან ხარვეზის აღმოჩენის შემთხვევაში მიმწოდებელი ვალდებულია გამოვლენილი დეფექტი გამოსწოროს შემსყიდველთან შეთანხმებულ გონივრულ ვადაში, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.
- მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების გათვალისწინებით, სამუშაოების ხარჯთაღრიცხვისა და ნახაზების შესაბამისად.
- მიმწოდებელმა სამშენებლო/სარეაბილიტაციო სამუშაოების დაწყებამდე ტერიტორიაზე უნდა გადაამოწმოს საპროექტო ნიშნულები, ასევე სამშენებლო მოედანზე გადაამოწმოს საპროექტო ნახაზებში მითითებული ზომები და ნებისმიერი უზუსტობა აცნობოს შემსყიდველს.
- სამუშაოების შესრულების ტექნიკურ ზედამხედველობას განახორციელებს შპს „ოპტიმალ გრუპ +“.
- შესრულებული სამუშაოების საბოლოო მოცულობები დადგინდება შპს „ოპტიმალ გრუპ +“-ის მიერ გაცემული ინსპექტირების ანგარიშით. (შპს „ოპტიმალ გრუპ +“-ის ინსპექტირების ანგარიშის ხარჯებს აანაზღაურებს შემსყიდველი)
- სამუშაოს შესრულების პროცესში მიმწოდებელმა უნდა უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.
- სამუშაოების მიმდინარეობის პროცესში ყოველგვარი უსაფრთხოების წესების დაცვაზე სრული პასუხისმგებლობა ეკისრება მიმწოდებელს.
- ტექნიკური დავალებით გათვალისწინებული რომელიმე ვალდებულების დარღვევის შემთხვევაში, აღნიშნულის შედეგად წარმოშობილ ზიანზე სრული პასუხისმგებლობა დაეკისრება მიმწოდებელს.
- განფასებული ხარჯთაღრიცხვა წარმოდგენილი უნდა იქნას საქართველოს მთავრობის 2014 წლის 14 იანვრის №55 დადგენილების გათვალისწინებით.
- „მიმწოდებელი“ ვალდებულია „შემსყიდველთან“ შეათანხმოს ობიექტზე (მისამართზე) სამუშაოს დაწყება, ასევე მასალების იერსახე და ხარისხი.
- მიმწოდებელმა ობიექტზე (მისამართზე) სამუშაოს დაწყებამდე უნდა განათავსოს საინფორმაციო დაფა ზომით არანაკლებ 1მX1მ; (საქართველოს მთავრობის 2009 წლის 24 მარტის №57 დადგენილება) (საინფორმაციო დაფაზე დასატანი ინფორმაცია შემსყიდველთან შეთანხმებით)
- შემსყიდველის ან/და შპს „ოპტიმალ გრუპ +“-ის მოთხოვნის შემთხვევაში, მიმწოდებელი ვალდებულია უზრუნველყოს სამშენებლო მასალების ხარისხისა და შემადგენლობის, მოთხოვნის შესაბამისი ლაბორატორიული დასკვნ(ებ)ის საკუთარი ხარჯებით წარმოდგენა.
- სამუშაოების მიმდინარეობის პროცესში დამატებითი მუშახელის საჭიროების დადგომის შემთხვევაში სასურველია მიმწოდებლის მიერ დასაქმებულ იქნან ქალაქ რუსთავის მუნიციპალიტეტის მაცხოვრებლები.
- განფასებულ ხარჯთაღრიცხვაში სავალდებულოა დაფიქსირებული იქნას გაუთვალისწინებელი ხარჯი-„3%“.